

# ጳውሎስ ታሶሎንቄ አሳሰ ፃፊዳ ኮይሮ ኪታ ጊደ ቆፋ

ታሶሎንቄይ ማቂደኒያ ጌቴተዛ ኦሮሜስ ዋና ካታማ። ጳውሎስ ታሶሎንቄ ዋሳ ኩላዮ ኤሲዳይ ፒሊጲሲዮሴ ዩጊ ቢዳፔ ጉዩና። ሄራካ ኢሲ አገና ኩሞንታ ዲሺን ኣይሁዳተ ኢዚ ፒሊጲሲዮሴ ዩጊ ቢዳይሳ ሰዪዳ። ሄሳ ጊሽ ጳውሎስ ኢሰታሰ ፃፊዳ ባ ኪታዛን ሚሺራቾ ቃላ ቃንፋራ ቆንጨሲዳ። (1:9-10) ኢሰተካ ኣይሁዳታ አማኖ ኤካናሰ ማቲ ኡቲዳ ኣይዛቤቴ ጳውሎስ ዮቲዛ አማኖን ዋዝና ቦቹቲዳ። ሄሳ ጊሽ ኣይሁዳቲ ቃናቴቴላን ጳውሎሳ ቦላ ፓላማ ዳንፊዳ። ሄሳ ጊሽ ጳውሎስ ታሶሎንቄ ዩጊዲ ጌዴ ቤሪያ ባናይሲ ኢዛሰ ማኔ ጊዲዳ። ጉላ ጋምዲሽ ቆርንቶሴ ካታማ ቢ ጋኪዳ ማላ ዲምቶሲ ዋሳ ኩላይ ሃኒዛይሳ ወርሲካ ኢዛሰ ዮቲዳ።

ጳውሎስ ኮይሮ ኪታ ታሶሎንቄ አሳሰ ፃፊዳይ ኣማኒዛይታ ዳንፊላናሲኔ ሚንፊላናሳ። ኢዚ ኢሰታ ሎዖ አማኖ ጊሽኔ ኢሰታ ሲቆቴላ ጊሽ ሎዖ ዋሪ ሲይዲ ዖሴ ጋላቲዳ። ካሴ ጳውሎስ ኢሰታራ ዲዛ ዋዴ ኢዚ ኢሰታራ ኣይ ማላ ዲሰ ዳዩዳኮኔ ኢሰታ ቆፊሴሰ። ሄሳፊካ ኪርሰቶሳሰ ናምዓንሉ ዩሳ ጊሽ ዳንዲዳ ኦይሻታሰ ዛሮ አማሰ።

ሄ ኦይሻታፔ ባጋቲ “ኪርሰቶሲ ሃ ሲሚ ያናፔ ካሴቲዲ ካሴ ሃይቂዳ ኣማኒዛ ኣሳይ ኪርሰቶሳ ዩሳን ቤቴዛ ሚርና ዴዖ ዴማኔ?” ጊዛይታ። ጳውሎስካ ሄሳ ጋሶ ሂሰቲዲ “ኪርሰቶሳሰ ናምዓንሉ ዩሳ ቲሚርቴዛ ሂደታን ናጊሼ ሄ ዋዴ ጋካናሰ ጮው ጊዲ ኢንቴ ኦሶ ኦሊቴ” ጊዲ ኢሰታ ዞሬሰ።

- ሃ ማፃፋይ ኦይኪዳ ኩሚላ ቆፋ
- ጌሎሶ 1:1
- ጳውሎሳ ኡፋይሲኔ ኢዛ ጋላታ 1:2-3:13
- ኣማኒዛ ኣሳይ ካላና ዋጋ 4:1-12
- ኪርሰቶሲ ናምዓንሉ ያና ዩሳ ጊሽ አማቲዳ ቲሚርቴ 4:13-5:11

ወርሴላ ዞሬ 5:12-22  
ኩሻ ቆፋ 5:23-28

1 ጳውሎሳ፤ ሲልዋኖሴ፤ ሚሞቶሳ፤ ያሳ አዋሲኔ ጎዳ ዩሱስ ኪርሰቶሳይታ ጊዲዳ ታሶሎንቄን ዲዛ አማኒዛ አሳሰ ኑ አዋ ያሳፊኔ ጎዳ ዩሱስ ኪርሰቶሳ ኪያቴሌኔ ሳርቴሌሌ አንቴሰ ጊዶ። \*

ታሶሎንቄን አማኒዛ አሳ አማኖ ጊሽ ሸቂዳ ጋላታ

2 ኑ አንቴና ኑ ዋሳን ቆፒሼ ኡባ ዋዴ ያሳ አንቴ ጊሽ ጋላቶስ።  
3 አማኖኒኔ ሚኖ ሰቆቴላን አንቴ ኑሊዳ ኑሶ ጊሽ ጎዳ ዩሱስ ኪርሰቶሳ ቦላ ዲዛ አንቴ ሚኖ ኡፋይሳን ቤቴዳ አንቴ ሚኖቴላ ጊሽ ኑ ጎዳ ያሳ፣ ኑ አዋ ሲንላን ኡባ ጋላሰ አንቴ ጊሽ ቆፖስ።  
4 ያሳን ዶሴቴዳ ኑ አሻቶ! ኢዚ አንቴና ዶሪዳይሳ ኑ ኤርስ።  
5 ጋሶይካ ሚሺራቾ ቃላይ አንቴኮ ዩዳይ ዋልቃራ ሂሎ አያናኒኔ ሎዬሌ ሻኪ ኤሪን አቴን ጮ ቃላ ሃላን ጊዳና፤ ቃሴካ ኑ አንቴ ጊሽ ጊዲ ዋኒ ዴዲዳኮኔ አንቴ ኤሬታ። 6 ሃዲ አንቴ ኑናኔ ጎዳ ሚሳቴዳታ። አንቴ ቦላ አይ ሜቶይ ጋኪዳ ጊዲኮካ ሂሎ አያና ኡፋይሳ ቃላ አንቴ ኤኪዳታ። \* 7 ሄሳፊ ዴንዲዳይሳን አንቴ ማቂደኒያኒኔ አካያን አማኒዛ አሳ ኡባሰ ሎዎ ሎሚሶታ ጊዲዳታ።  
8 ጎዳ ቃላይ አንቴፊ ኬዚዲ ማቂደኒያኒኔ አካያን ሲዬቴሌ ሃላ ጊደንታ አንቴሰ ያሳ ቦላ ዲዛ አማኖይ ኡባሶን ኤሬቴዳሰ፤ ሄሳ ጊሽ ኑ አንቴሰ ዮታናሰ አይኮካ ኮሼና። 9 አንቴ ኑና ዋሰቴ ዋኪ ኤኪዳኮኔ ዴዎን ዲዛ ቱሙ ያሳሰ ኦላናሰ አንቴ ኤቃታ፤ ያሳኮ ዋኒ ሲሚዳኮ አሳይ አንቴ ጊሽ ሃሳዬስ። 10 ቃሴካ ያሲ ሃይቆፔ ዴንሊዳይሳ ቡር ያና ሃንቆፊ ኑና አሻና ሳሎፔ ያና ያሳ ና ዩሱሳ ዩሳ አንቴ ዋሰቴ ናጊዛኮኔ አሳይ ሃሳዬስ።

2

ታሶሎንቄን ጳውሎሳ ኦሶ

1 ኑ አሻቶ! ኑ አንቴኮን ጋሞዲዳ ጋሞይይ ጮ ሜላ ጊደንታይሳ አንቴካ ኤሬታ። 2 አንቴካ ኤሪዛይሳ ማላ ሃይሳፊ ካሴ ፒሊጲሲዮሴን ኑ ዋዬኔ ሜቶ ቤይዶሲኔ ጫዬቴደሰ፤ ጊዶ አቴን አይኔ ሚኖ ዋዬይ ኑና ጋኪኮካ ያሳ ሚሺራቾ ቃላ አንቴሰ ዮታናሰ ኑ ጎዳፔ ሃላቴሌ ዴሚደሰ። \* 3 ኑ አንቴና ዞሪዳ ዞሪይ

\* 1:1 ሃዋ 17:1 \* 1:6 ሃዋ 1:5-9 \* 2:2 ሃዋ 16:19-24፤ 17:1-9

ኢታ ቆፋራ ወይኮ እንጅና ባሌጻናሰ ኮይዲ ጊደና። 4 ጊደ ኣቲን ኑ ሚሺራቾ ቃላ ሃዳራ ኤካናሰ ዳንዳዪዛ ኣሳታ ማላ ያሲ ኑና ቆዲዳ ጊሽ ኑ ሃሳዮሰ፤ ሃሳካ ኑ ኦሊዛይ ኑ ወዝና ፓጪ ኤሪዛ ያሳ ኡፋይሳናሰ ኣቲን ኣሰ ኡፋይሳናሰ ጊዲ ጊደና። 5 ኑ ሙሌካ ባሌጻ ቃላ ዮቲቤኮ ወይኮ ኑ ኡዜቴላ ካማናሰ ጊዲ ባሌጻ ሃኖ ኑ ሃኖታይሳ እንጅ ኤሬታ። ሃይሳሰካ ኑ ማርካይ ያሳ።

6 እንጅሬ ጊዲን ወይኮ ሃራታፔ ኦናፔካ ኣሳፔ ኢማቲዛ ቦንቾ ኑ ኮይቤኮ። 7 ኑ ኪርሰቶሲ ኪቲዳይታ ጊዲዳ ጊሽ እንጅሰ ቶሆ ጊደናሰ ዳንዳዮሰ፤ ጊደ ኣቲን ኣያ ባ ናይታ ዲቺዛ ማላ ኑካ እንጅ ጊደን ኣሽኬቴላን ሲማሬቲዶሰ። 8 ያሳ ቃላ ፃላ ጊደንታ ዲሺን ኑ ሽምፖካ እንጅ ጊሽ ኡፋይሳን ኢማና ጋካናሰ እንጅና ሰቂዶሰ። ጋሶይካ ኑ እንጅና ዳሮ ሰቂዳ ጊሻሳ። 9 ኑ ኢሻቶ! ኑ ዳሬቴላኔ ኑ ዳቡራ እንጅ ኤሬታ፤ ኦናሰካ ቶሆ ጊደንታ ማላ ቃማኔ ጋላሰ ኑሰ ኦሊሽ ሚሺራቾ ቃላ እንጅሰ ዮቲዶሰ።

10 ኑ እንጅናራ ኣማኒዛይታራ ዲዛ ዋዴ ያሎቴላኒኔ ጌሻቴላን ቃሰካ ዋሶይ ባይንዳ ኑ ዋኒ ዴዲዳኮኔ እንጅካ ያሲካ ኑሰ ማርካ። 11 ኣዋይ ባ ናይታሰ ሃኒዛ ማላ ኑካ እንጅሰ ኢሳሰ ኢሳሰ ኣይ ሃኒዳኮኔ እንጅ ኤሬታ። 12 እንጅ እንጅና ባ ካዋቴላሲኔ ባ ቦንቾሰ ያይጊዳ ያሳሰ ቤሲዛ ማላ እንጅ ዳና ማላ ኑ እንጅና ሚንሊዶሰ፤ ሎዴላ ዘሪዶሲኔ ሃዳራ ጊደሰ።

13 እንጅ ኑፔ ሲዱዳ ያሳ ቃላ ኤኪዳ ዋዴ ኣማኒዛ እንጅ ኣቻን ቱሙ ኦሊዛ ያሳ ቃላ ማላ ኤኪዳታ ኣቲን ጮ ኣሳ ቃላ ማላ እንጅ ኤኮንታ ኣጊዳ ጊሽ ኑ ያሳ ቃንያይ ባይንዳ ጋላቶሰ።

14 ኑ ኢሻቶ! ዩሁዳ ቢታን ዩሱሰ ኪርሰቶሳ ኣማኒዛ ያሳ ዋሳ ኬላታ ሚሳቲዳታ፤ ኢሰቲ ኣይሁዳታፔ ሜቶኔ ዋዩ ኤኪዳ ማላ እንጅካ እንጅ ኣሳፔ ዋዩ ኤኪዳታ። \* 15 ኢሰቲ ጎዳ ዩሱሳኔ ካሴ ናቤታካ ዋዲዳ፤ ኑናካ ጎዲዳ፤ ያሳካ ኡፋይሲቤቴና፤ ኣሳ ኡባራ ኤቁቲዛይታ ጊዲዳ። \* 16 ሂሲካ ኣይዛቤቲ ሲይዲ ኣታና ቃላ ኑ ኢሰታሰ ዮቶንታ ማላ ዲጋናሳ። ሂሳ ማላ ኦሶን ባ ናጋራ ኡባ ዋዴ ባ ቦላ ወርሴላ ጋካናሰ ጉጂ ጉጂ ቤቴሰ፤ ያሳ ሃንቆይካ ኢሰታ ቦላ ዋዲዳሰ።

ጳውሎሲ ታሶሎንቄ ኣሳ ቤያናሰ ላሞቲዳሰ

17 ጊዲኮካ ኑ ኢሻቶ! ኑ ጉላ ዋዴሰ እንጅሬ ኣያናን ጊደንታ ኣሾን ሻኬቲኮካ እንጅ ላሞታይ ኑና ዋዲዛ ጊሽ እንጅ ኣይፊሶ

\* 2:14 ሃዋ 17:5 \* 2:15 ሃዋ 9:23;29፤ 13:45;50፤ 14:2;5;19፤ 17:5;13፤ 18:12

ቤያናሰ ዳር ዳፌቲላን ደሰ። 18 ኑ ኢንቴሮ ባናሰ ዳር ላሞቲደሰ ሽን ሃራፔካ ታ ጳጳሎሲ ዳር ዋዴ ዳፌታዲሰ ሽን ፃላዔይ ኑና ዲጊዴሰ። 19 ጎዳ ዬሱሲ ሃ ዪዛ ዋዴ ኢዛ ሲንላን ኑ ኣሞይ ዋይሮ ኑ ኡፋይሲ ዋይሮ ኑ ዛወዴይ ኑሰ ኢንቴፌ ሃራይ ኦኔ? 20 ቱማፔካ ኑ ኡፋይሲኔ ኑ ቦንቾይ ኢንቴና።

### 3

1 ሄሳ ጊሽ ኑሰ ዳንዳዬቶንታ ኢዲን ሄ ዋዴ ኣቴናን ኑርካ ኑ ኣታናይሲ ኑሰ ሎዎ ጊዲ ቤቲዴሰ። \* 2 ኢንቴና ኣማኖን ሚንላና ማላ ኑናራ ኣሳሰ ኪርሰቶሳ ሚሺራቾ ቃላ ዮቲዛ ያሳ ኣሽካራ ጊዲዳ ሂምቶሳ ኢንቴሮ ዬዲደሰ። 3 ሄሲካ ሃይሳ ፓጩዛን ኦኒካ ኣማኖፔ ቃንዎንታ ማላ፤ ኑካ ሃይሳሰ ዶሬቲዳይሳ ኢንቴካ ኤሬታ። 4 ኑ ቃሴ ኢንቴናራ ዲዛ ዋዴ ዋይይ ኑ ቦላ ጋካናይሳ ካሴቲዲ ኢንቴሰ ዮቲደሰ፤ ኢንቴ ኤሬዛ ማላካ ሃኒዴሰ። 5 ሄሳ ጊሽ ኣይሮካ ታ ጌንጩጩን ታሰ ዳንዳዬቶንታ ኢዲዳ ጊሽ ኢንቴ ኣማኖ ጊሽ ኤራናሰ ጋዳ ሂምቶሳ ኪታዲሰ። ታ ሄሳ ኦሊዳይ ኦኒ ኤሬዜ ፓጩዛዴይ ኢሰታ ፓጩን ሃኒ ዋዴ ኑ ዳቡራይ ዉሪካ ማላ ጊደንታ ኣጌና ጋዳ ባቢዳ ጊሻሳ።

#### ዲምቶሲ ኤኪ ዩዳ ሚንጤላዛ ቃላ

6 ሃዒ ቃሴ ሂምቶሲ ኢንቴ ኣቻፌ ኑሮ ዩዲ ኢንቴ ኣማኖ ጊሺኔ ኢንቴ ሲቆቲላ ጊሽ ሎዎ ዋሪ ኑና ሲሲዴሰ። ቃሴካ ኢንቴ ኡባ ዋዴ ኑና ሎዔላ ቆፐዛይሳኔ ኑካ ኢንቴና ቤያናሰ ላሞቲዛ ማላ ኢንቴካ ኑና ቤያናሰ ላሞቲዛይሳ ኑሰ ዮቲዴሰ። \* 7 ሄሳ ጊሽ ኑ ኢሻቶ! ኑ ዲዛይ ዋይኒኔ ሜቶ ጋርሳን ጊዲኮካ ኢንቴ ኣማኖ ጋሶን ኢንቴናን ሃዒ ኑ ሚኔቶሰ። 8 ኢንቴ ጎዳን ሚኒ ኤቁዳ ጊሽ ቱማፔ ሃዒ ኑ ፓፃ ዳና። 9 ኢንቴ ጌደን ኑ ያሳ ሲንላን ኑ ዳሚዳ ኡፋይሳ ኡባ ጊሽ ያሳ ኣይ ማላ ጋላታናሰ ዳንዳዩዚ? 10 ቃሴካ ኑ ኢንቴና ቤያናሲኔ ኢንቴ ኣማኖፔ ፓጩዳይሳ ኩንላናሰ ኦማርሲኔ ጋላሰ ኬሂ ዋሶሰ።

11 ሃዒካ ኑ ኢንቴሮ ባና ማላ ኑ ኣሞይ ያሲ ጎዳ ዬሱሰ ኪርሰቶሲ ኦጌዛ ኢዚ ኑሰ ሱሪሶ። 12 ኑ ኢንቴና ሲቁዛ ማላ ኢንቴሰ ኢንቴ ጋርሳን ዲዛ ሲቆኔ ኢንቴ ሃራታ ሲቁዛ ሲቆዛ ጎዳይ ዳርሶኔ ኬሂ ጉጅ። 13 ኑ ጎዳ ዬሱሰ ኪርሰቶሲ ጌሻታ ኡባታራ ዪዛ ዋዴ ኑ ኣሞ ጎዳ ያሳ ሲንላን ኢንቴ ዋሶይ ባይንዳይታኔ ጌሻታ ጊዲዲ ቤታና ማላ ኢንቴ ዋዝና ኢዚ ሚኒሶ።

\* 3:1 ሃዋ 17:15 \* 3:6 ሃዋ 18:5

# 4

## ጾሴ ኡፋይሲዛ ዱስ

1 ሃዒ ወርሴላን ታ አሻቶ! እንቲ ጾሳ ኡፋይሳናስ እንቲ ዋኒ ዋኒ ዳና ቤሲዛኮኔ ኑ እንቲና ታማርሲዳስ። ቱማፔካ ኑ ታማርሲዳ ማላ ዳታ፤ ሄሳ ጊሽ ጎዳ ዬሱስ ኪርሰቶሳን ኑ እንቲና ዋሲዛይኔ ዘሪዛይ ሃይሳፊካ አጲዛ ሃኖራ እንቲ ሲንፌ ጉጃና ማላ። 2 ጎዳ ዬሱስ ኪርሰቶሳ ዋልቃን ኑ እንቲስ አይ አዛዘ አሚዳኮኔ እንቲ ኤፊታ።

3 ጾሳ ሼኔይ እንቲ ላይማፔ ሃኪዲ ዱማታናሳ። 4 ቃሴ ኢሲ ኢሲ አሳይ ባ ማቾ ጌሻቴላኒኔ ቦንቾን አይሶ ቤሲዛይሳ ሻኪ ኤሮ። 5 ሄሲካ ጾሴ አማኖንታ አይዛቤታ ማላ ላይማ ቃቄቴላን ጊደፖ። 6 ሄሳ ማላን ኦኒካ ባሌቲዲ ባ አሻ ባሌላፎ፤ ጋሶይካ ሃይሳፊ ካሴ ኑ እንቲስ ዮቲዳ ማላኔ ናጌታናስ አኬኪሲዳ ማላ ጎዳይ ሄይታንታ ማላ ናጋራ ኦሊዛ ኡባታ ቦላ ባ ሃንቆ ኤሃና።

7 ጾሲ ኑና ጌሻቴላስ ጃይጊዴስ አቲን ቱናቴላስ ጃይጊቤና። 8 ሄሳ ጊሽ ሃይሳ ሃ ዘሪዛ ካጲዲ ኤኮንታዳይ ዒሎ አያና ኢዛስ አሚዳ ጾሳ ካጴስ አቲን አስ ካጲዛዳ ጊዴና።

9 አሻታ ሲቆቴላ ጊሽ እንቲስ ኦኒካ ዓፋናስ ኮሼና፤ ጋሶይካ እንቲ እንቲ ጊደን ሲቄታና ማላ እንቲ እንቲ ባጋራ ጾሳፊ ታማሪዳታ። 10 ኩማላ ማቄደኒያን ዲዛ አማኒዛ አሳ እንቲ ወርሲ ሲቄዛይስ ኤፊቲዳይሳ። ጊደ አቲን ኑ አሻቶ! ሲንላ ባጋን እንቲ ሃይሳፊ አሊ ሲቄታና ማላ ኑ እንቲና ዘርስ። 11 ኑ ሃይሳፊ ካሴ እንቲና አዛዚዳ ማላ እንቲ እንቲ ኩሼራ ኦሊቴ፤ ዋፑ ጊ ዲቴ፤ እንቲስ ጊዲዛይሳ ሎዔሊ ጃሊቴ። 12 ሄሲካ ጋላስ ጋላስ እንቲ ዲሳይ ሃንኮ አማኖንታ አሳ አቻን እንቲና ቦንቾሳና ማላኔ እንቲ አይ አሳስካ ቶሆ ጊደንታ ማላ።

## ጎዳስ ናምዓንሉ ዩስ

13 ታ አሻቶ! እንቲ አሾን ሃይቄዳይታ ጊሽ ኤሮንታ አታና ማላ ኑ ኮዮኮ። ቃሴካ ሄደታይ ባይንዳ ሃራ አሳታ ማላ እንቲ ካዮታና ማላ ኑ ኮዮኮ። 14 ዬሱሲ ሃይቄዲ ዴንዲዳይሳ ኑ አማኒዛ ጊዲኮ ዬሱሳ አማኒዳይታ ጾሲ ዬሱሳራ ሄሳላካ ዘሪ ሃ ዬዳና።

15 ኑ ጎዳ ቃላን እንቲስ ጊዛይ ሃይሳ። ኩሲ ሃይቆንታ ጋዓ ዲዛይቲኔ ጎዳይ ያና ጋካናስ ጋምዓናይቲ ካሴ ሃይቄዳይታፔ ሲንላቶኮ። 16 ጎዳይ ባ ሁዔራ ጊታ አዛዘን ኪታንቻታ ሃላቃ ጊሪሳራ ጾሳ ፀሩምባ ጊሪሳን ሳሎፔ ዋቆና። ካሴ ኪርሰቶሳ አማኒዲ ሃይቄዳይቲ ኢስቲ ካሴቲ ዴንዳና። 17 ሄሳፊ ጉዬ ኑ

ቃሴ ገፃ ዲዛይቲ ጎዳ ጨርኮ ቦላ ጋጋናሰ ኢሰታራ ኢሲፌ ሻራራ ዴንዳና፤ ሄሳቶካ ኑ ሜርናሰ ጎዳራ ዳና። 18 ሄሳ ጊሽ ሃይሳ ቃላን ኢሶይ ኢሳራ ሚኔቲቱ።

### 5

1 ታ ኢሻቶ! ሄሲ ሃናና ዎዴዛ ጊሽ ኑ ኢንቴሰ ፃፋናሰ ኮሼና። 2 ካይሶይ ቃማን ዪዛ ማላ ጎዳ ጋላሲካ ሄሳ ማላ ያናይሳ ኢንቴ ኢንቴ ባጋራ ሎዔሊ ኤሬታ። \* 3 አሳይ “ጋዴይ ሳሮኔ ሎዎኮ” ጊሺን ሚፃይ ቃንፋራ ዲዛ ማጫሰ ኦይኪዛ ማላ ሄሳቶካ አሰ ዳይሲዛይ ቆፖንታ አሳ ቦላ ጋካና። ኢኒካ ኬሲ ኤኬና።

4 ኢንቴኖ ኢሻቶ! ሄ ጋላሳይ ካይሶ ማላ ኢንቴና ዳጋንፋናሰ ኢንቴ ዲማን ዴኬታ። 5 ኢንቴ ወሪካ ፖፖ ናይታ፤ ኩኒ ዲማ ዎይኮ ቃማ ባጋ ጊደኮ። 6 ሂሰቲኮ እኔ ቤጎሰ፤ እኔ ኑርካ ኑና ሃርሰ አቲን ሃንኮ ዲሰኪዛ አሳ ማላ ኑካ እኔ ዲሰኮኮ። 7 ዲሲኪዛይቲ ቃማራ ዲሲኬቴሰ፤ ማላቲዛይቲካ ቃማራ ማላቲቲሰ። 8 ኑ ቃሰ ጋላሳ አሳታ ጊዲዳ ጊሽ አማኖኔ ሲቆ፣ ቲራን ማይዲዛ ፀሩራ ማይፖ ማላ ማይዲዳ አቶቴላ ሂደታ ሁዔን ዎሊዛ ቢራታ ቆቤ ማላ ሁዔን ዎሊዳ እኔ ኑናቴላ ሃሪዲ ዴዎሰ። \* 9 ዎሲ ኑ ጎዳ ዬሱሰ ኪርሰቶሳ ባጋራ አቶቴላ ዴማና ማላ አቲን ኑና ሃንቆሰ ያይጊቤና። 10 ኑ ሃይቁኮካ ዎይኮ ገፃ ዲኮካ ኢዛራ ዳና ማላ ኢዚ ኑ ጊሽ ሃይቁዴሰ። 11 ሄሳ ጊሽ ቱማፕ ኢንቴ ሃዒ ኦሊዛይሳ ማላካ ኢሶይ ኢሳራ ሚኔቲቲኔ ሚንሌሊቲ።

#### ወርሴላ ዞሬኔ ሳሮካ

12 ሂሰቲኮ ታ ኢሻቶ! ኢንቴ ጊደን ሚኒ ኦሊዛይታ ጎዳን ኢንቴፌ ቦላራ ዲዛ ሃላቃታኔ ኢንቴና ዞሪዛይታ ኢንቴ ቦንቻና ማላ ኑ ኢንቴና ዎሶሰ። 13 ኢሰታ ኦሶ ጊሺካ ኢሰታ ሲቆራ ሎዔሊ ቦንቹቲ፤ ኢንቴ ኢንቴ ጊደን ሳሮን ዲቲ።

14 ታ ኢሻቶ! ኑ ኢንቴና “ኦሶ ኦሎንታ አሳታ ሃንቁቲቲ፤ ባቢዛይታ ሚኒሲቲ፤ ዳቡራንቻታ ማዲቲ፤ አሰ ኡባ ዳንዳዪቲ” ጊ ዞርሰ። 15 ኦናሰካ ኢታ ጊሽ ኢታ ዛርንታ ማላ ናጌቲቲ፤ ጊደ አቲን ኢንቴ ኢንቴ ጊደን ጊዲን ሃራ አሳራ ጊዲን ኡባ ዎዴ ሎዎ ጊዲዛይሳ ኦላናሰ ባፃቲቲ።

16 ኡባ ዎዴ ኡፋዬቲቲ። 17 ቃንዎንታ ዎሲቲ። 18 አይ ሃናንካ ጋላቲቲ ዎሳ ሼኔይ ኢንቴሰ ዬሱሰ ኪርሰቶሳ ባጋራ ሄሳ።

\* 5:2 ማቶ 24:43፤ ሉቃ 12:39፤ 2ጴፀ 3:10 \* 5:8 ኢሳ 59:17፤ ኤፌ 6:13-17

19 ዲሎ አያና ታማ ቶይሶፍቴ። 20 ቲንቢቴ ቃላ ካዶፕቴ።  
21 ወርሲካ ፓጪ ያሊቴ፣ ሎፖ ጊዲዳዝ ኮይኪቴ። 22 ኢታ ጊዲዳ  
አይ ሚሻፕካ ሃኪቴ።

23 ሳርቴላ ጎዳይ ኢዚ ኢንቴናቴላ ኤራይሰ ዲማሶ፤ ኢንቴ  
አያናይ፣ ኢንቴ ሼምፖይኔ ኢንቴ አሾይ ጎዳ ዩሱሰ ኪርሰቶሲ ዩዛ  
ዎዴ ዎሶይ ባይንዳ ናጌቶ። 24 ኢንቴና ያይጊዲይሲ አማኔቴዳዴ  
ጊዲዳ ጊሽ ኢዚ ሄሳ ኦላና።

25 ኑ ኢሻቶ! ኑ ጊሽካ ዎሲቴ። 26 አማኒዛይታ ኡባ ጌሻ  
ዩሬቴላን ሳርኪቴ። 27 ሃ ኪታይ አማኒዛይታሰ ኡባሰ ናባቤታና  
ማላ ጎዳ ሱንላን ሃዳራ ጋይሰ።

28 ኑ ጎዳ ዩሱሰ ኪርሰቶላ አዶ ኪያቴሌ ኢንቴናራ ጊዶ።

**ኦሪሳ ጩቆ ማግኔ ጋሞላ**

**New Testament in Gamo (ET:gmv:Gamo)**

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Gamo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 11 Nov 2022 from source  
files dated 29 Jan 2022  
dffa0cbb-5f77-5875-bf95-f4176677af45